

BƠ-ÀR ČOMRÛP KƠI PÔL PƠYOA
TỜ MƠNİH
TESALÔNİKA

Pơnuai Čuă-Rowăng

¹ Pôl, Silwan * sǝng Timôthe, poyoa tở Tởpuol Goh-Sơchìh dò lăm plơi-prǝng Tesalônika, Tởpuol lăm Yàng Pô Lơngì, la Ama, sǝng lăm Yàng Jêsu Krist, Yàng buol gudroi: Yòng lỏkơu pơnuai anit-broi-soh sǝng pơnuai rĩng-lơngai truh sǝng buol adơi-ai.

**PƠNUAI NAU-MỜRAI SỔNG GỜU TỜKRAH
TỜPUOL SỔCHÌH-SRI TESALÔNİKA SỔNG
DU MƠNİH TỜDI-TỜĐAI**

(Mǝng tǎl 1:2 truh tǎl 3:13)

Unjơmừn Yàng Koyoa Mơnih Tesalônika Hơdiũ Ngă-Tui Pơnuai Yàng

² Buol dolhă jiăng unjơmừn Yàng Pô Lơngì mǝng abih buol adơi-ai, sǝng jiăng sỏdở truh buol adơi-ai lăm tũ iơu-lài. ³ Tở anaũ Yàng Pô Lơngì, la Ama buol gudroi, buol dolhă 'buh pỏdơh sỏdở truh du bruă buol adơi-ai ngă koyoa pơnuai păng-tui, tởgrở pơnuai gleh-glăr buol adơi-ai kǝng koyoa pơnuai uổn-rỏnăm, sǝng pơnuai buol adơi-ai kỏjăp hotai-hotiàn kǝng ă-ữn koyoa gỏnừm-čàng lăm Yàng buol gudroi la Yàng Jêsu Krist. ⁴ Ở buol adơi-ai la du mơnih hũ Yàng Pô Lơngì uổn-rỏnăm, buol dolhă thơu lài Yàng Pô Lơngì hũ pơlih-rỏwah buol adơi-ai. ⁵ Koyoa Pơnuai-Siàm buol dolhă hũ pỏto-akhàn tở buol adơi-ai, 'buh iơũ mĩn sǝng pơnuai đòm soh, bloh kũng sǝng

* 1:1 1:1 Kũng hũ angăn la Sila.

gơñp-gơnuär, sớng Yàng Bớngă Sớchih-Sri, sớng sa hotai-hotiàn pãng-tui nìn-kớjáp. Buớl adới-ai thớu loh-làng, tũ dò tớkrah buớl adới-ai, buớl dớlhá hũ hớdiũ hớyớu lới tồ kwớ-màng tớ buớl adới-ai.

⁶ Buớl adới-ai hũ đòm-tui kớrh buớl dớlhá sớng đòm-tui kớrh Yàng, kớyoya buớl adới-ai hũ mã pớnuai sớh-sài Yàng Bớngă Sớchih-Sri bloh đờ-mã Pớnuai Yàng tớkrah lô pớnuai pớđi-pớđoa gleh-glάρ, ⁷ kớyoya nũn buớl adới-ai hũ tồbiã jớớng kớrh siàm tớ abih tớgrớ mớnih pãng-tui Yàng dò lăm cầ Masedoan sớng cầ Acai. ⁸ Biã yớu nũn, mững anih buớl adới-ai Pớnuai Yàng hũ dớlờng tồbiã 'buh iớũ mĩn lăm cầ Masedoan sớng cầ Acai soh, bloh pớnuai pãng-tui buớl adới-ai lăm Yàng Pồ Lớngi kũng hũ pớtiớng akhàn lăm abih tớgrớ anih, tớl truh buớl dớlhá 'buh cầng pắ đờm pớtớl hớgế tra. ⁹ Kớyoya rúp-phũn buớl guũ hũ đờm akhàn-wớ bruã buớl adới-ai hũ wớ-rồ buớl dớlhá hớyớu lới, sớng hớyớu lới buớl adới-ai hũ gài mớrai wớ sớng Yàng Pồ Lớngi, klà luới rớp-ràk tồ duh bruã Yàng Pồ Lớngi hớdiũ rài pớđò rài sớng tớpă-tồpe, ¹⁰ sớng tồ kraũ-cầng Anà Pồ mững ngổ lớngi, la Yàng Jêsu bloh Pồ hũ ngắ hớdiũ wớ mững anih mớtai, la Pồ đớng-pớklàh buớl gudrới klàh mững pớnuai anok-anoa pớng kớjế truh.

2

Gớnuär-Bruã Pồ Tớ Tesalônika

¹ Ở buớl adới-ai, rúp-phũn buớl adới-ai thớu lài bruã buớl dớlhá truh cầ-rớwắng buớl adới-ai 'buh iớũ la 'buh kwớ-màng ớu. ² Bloh yớu buớl adới-ai thớu, yah hũ kớng pớđi-pớđoa gleh-glάρ sớng kớng pớtắt-pớmớlớu tớ pới-prớng Philip, buớl dớlhá sớđau hũ-pràn hotai-hotiàn lăm Yàng Pồ Lớngi tồ pớto-akhàn tớ buớl adới-ai Pớnuai-Siàm Yàng Pồ Lớngi tớkrah lô pớnuai tắmdră-wớ. ³ Kớyoya pớnuai pớto-akhàn buớl dớlhá 'buh tồbiã truh mững

pơnuai sũng asũ, kũng 'buh hũ hotai-sơnững sơ-johà halài tô pơluơ pỡng-gớla aràng sơ. ⁴ Bloh koyoa Yàng Pô Lơngì hũ lòng-ỡơ buớ dớhã la iớũ pãl pãng-gớnừm tô jào bruã poto-akhàn Pơnuai-Siàm, nừn buớ dớhã kừ poto-akhàn, 'buh iớũ tô ngã siàm hotai jới anà mớnih, bloh tô ngã siàm hotai Yàng Pô Lơngì, la Pô ỡơ-thơu hotai-hotiàn buớ dớhã.

⁵ Koyoa yơu buớ adới-ai thơu, sớng hũ Yàng Pô Lơngì ngã gớh, buớ dớhã 'buh tũ lơi angui du pơnuai đờm pơluơ-moyòm, halài koyoa hotai-hotiàn hàm-làm bloh ngã; ⁶ kũng 'buh tui duah pơnuai mầng-kớcrà mứng jới anà mớnih, halài mứng buớ adới-ai halài mứng mớnih pớkỡn, yah lài lằm gớnuả-bruã la mớnih tởdi-tởdài Pô Krist, buớ dớhã hũ rớgới pớđãr buớ adới-ai pãl ỡơ pớng-mầng tở buớ dớhã. ⁷ Bloh tokrah buớ adới-ai, buớ dớhã hũ hớdiũ lơnguh-lớngui yơu sa aràng mớnih ame ỡơ-ròng du anà dới. ⁸ Buớ dớhã uớn-rớnăm tở buớ adới-ai tở truh sớh-siàm hotai-hotiàn pớpha sớng buớ adới-ai, 'buh iớũ mừn Pơnuai-Siàm Yàng Pô Lơngì soh, bloh gãm pơnuai hớdiũ buớ dớhã rới, koyoa buớ adới-ai hũ tobiã jớng du mớnih buớ dớhã uớn-rớnăm biã.

⁹ Ở buớ adới-ai, biã buớ adới-ai dò sớđớ pơnuai buớ dớhã kớng ngã bruã gleh-glãr hỏyơu lơi, lằm tũ poto-akhàn Pơnuai-Siàm Yàng Pô Lơngì tở buớ adới-ai, buớ dớhã ngã bruã gãm hớới gãm mớlằm, tô 'buh tobiã jớng pơnuai gui-anòng traũ tở sa aràng mớnih lơi lằm buớ adới-ai. ¹⁰ Hũ buớ adới-ai ngã gớh sớng Yàng Pô Lơngì ngã gớh, sớng buớ adới-ai la du mớnih pãng-tui Yàng, buớ dớhã hũ hớdiũ sớch-goh biã, rớng-tớpã, 'buh hũ hớgẽ tô puai 'buah jớng. ¹¹ Buớ adới-ai kũng thơu, buớ dớhã hũ hớdiũ sớng yàu aràng lằm buớ adới-ai yơu ama sớng anà, ¹² poto-kớkới, pơluơ-pớơngài, sớng lớkớu-yòng buớ adới-ai hớdiũ iớũ pãl sớng Yàng Pô Lơngì, la Pô

iou buol adoi-ai torma lăm logăr Pô sǝng ðề-lẻng pơnuai mǎng-kơçrà Pô.

Mơnh Tesalônika Tơpǎ Sa Hotai-Hotìan Lăm Tũ Kǝng Pơlòng Gleh-Glǎr

¹³ Koyoa nửn, buol dơlǎ 'buh pơdơh ưnjơmửn Yàng Pô Lơngì, koyoa tũ buol adoi-ai pǎng sǝng ðề-mǎ pơnuai Yàng Pô Lơngì mửng buol dơlǎ, buol adoi-ai 'buh pǎng-tui ðề-mǎ pơnuai nửn yơu pơnuai jơi anà mơnih, bloh tơpǎ biǎ la pơnuai Yàng Pô Lơngì, la pơnuai ngǎ bruǎ lăm buol adoi-ai, la du mơnih pǎng-tui. ¹⁴ Ở buol adoi-ai, buol adoi-ai hữ ðòm tui kơh du Tơpưol Goh-Sơcìh Yàng Pô Lơngì lăm cǎr Juđe, la du Tơpưol Goh-Sơcìh lăm Yàng Jêsu Krist. Koyoa buol adoi-ai hữ kǝng du pơnuai pơđì-pơđoa gleh-glǎr mửng buol làng phữn dơi ngǎ tởbiǎ, kửng yơu du Tơpưol Goh-Sơcìh nửn hữ kǝng mửng mơnih Juđa, ¹⁵ la du mơnih hữ pơmotai Yàng la Yàng Jêsu, pơmotai du mơnih gơnuǎr-hwỡr, sǝng mǎ-pơkơũ buol dơlǎ. Buol guũu ngǎ 'buh siàm hotai Yàng Pô Lơngì, mơbai-tǎmdrǎ sǝng abih tơgrỡ mơnih, ¹⁶ buol guũu pơkơũ 'buh bơi buol dơlǎ poto-akhàn tơ buol làng agàh tồ du mơnih ni hữ dờng-pơklàh. Buol guũu mĩt-mĩt ngǎ tơ glài-sơnơh dơi baũ-bẻng rơlau. Bloh hơdơi-luĩ pơnuai anok-anoa pơng Yàng Pô Lơngì hữ tuh trũn tơ ngổ buol guũu.

¹⁷ Ở buol adoi-ai, mửng pơ-ơnah buol dơlǎ, yah pǎl atàh pơklah sǝng buol adoi-ai lăm sa-sĩt tũ-hơơi, atàh 'bò mơta bloh 'buh atàh hotai-hotìan, buol dơlǎ sớđǎu abih hotai-hotìan lợkơu-khiǎng biǎ hữ tòm mơta sǝng buol adoi-ai wỡ, mơta tòm mơta. ¹⁸ Koyoa nửn, dua amǎng ni bợjơ, buol dơlǎ, dơlơu biǎ la dơlǎ, Pôl, khiǎng nau truh sǝng buol adoi-ai, bloh Satǎn hữ pơkơũ-çơkhǎ

buol dolhă. ¹⁹ Koyoa pơnuai gơnừm-çàng, pơnuai sòh-sài, sớng kơlmu-potau màng-kơçră buol dolhă la hợgê, nừn 'buh iơu la buol adoi-ai kũng hũ dò dờng tơ anaũ Yàng buol gudroi la Yàng Jêsu lăm tũ Pô truh ơu? ²⁰ Biă, rùp-phủn buol adoi-ai la pơnuai màng-kơçră sớng pơnuai sòh-sài buol dolhă!

3

Pôl Pơđăr Timôthe Nau Tơ Tesalônika

¹ Koyoa 'buh rợgơi dò càng suoi rơlau jờng, nừn buol dolhă hũ ngă-nìn dò ỡ tơ Athen sa aràng, ² sớng pơyoa Timôthe, adoi-ai buol dolhă, la mơnih duh bruă Yàng Pô Longi lăm bruă poto-akhàn Pơnuai-Siàm Pô Krist, truh sớng buol adoi-ai, tô bỡ-pơdờng sớng pơluơ-pơsớh hotai-hotiàn buol adoi-ai lăm pơnuai păng-tui, ³ tô 'buh sa aràng mơnih lơi lăm buol adoi-ai pơblỡ hotai-hotiàn tơ anaũ du pơnuai pơđi-pơđoa gleh-glăr nừn, koyoa rùp-phủn buol adoi-ai thơu lài nừn la pơnuai hũ ngă-nìn dờlhou tơ buol gudroi. ⁴ Biă yơu nừn, tũ dò sớng buol adoi-ai, buol dolhă hũ đờm dờlhou lài buol gudroi rỗ păl kớng pơnuai pơđi-pơđoa gleh-glăr; sớng yơu buol adoi-ai thơu, pơnuai nừn hũ tởbiă truh bojơ. ⁵ Koyoa nừn, 'buh rợgơi càng suoi rơlau jờng, dolhă hũ pơyoa Timôthe nau tô thơu pơnuai păng-tui buol adoi-ai hợyơu lơi, huối lài mơnih pơluơ-ơniại hũ pơluơ-ơniại buol adoi-ai, sớng ngă tơ pơnuai buol dolhă kớng gleh-glăr ngă bruă tởbiă jờng 'buh kớng-kwơ. *

⁶ Bloh ni, Timôthe pơpa mừng anih buol adoi-ai gài mớrai ỡ, hũ đờm akhàn tơ buol dolhă thơu pơnuai sớh mừng pơnuai păng-tui sớng pơnuai ưỡn-rơnănm buol adoi-ai. Sơ-ai nừn kũng đờm lài buol adoi-ai sớđau mừt

* 3:5 3:5 Mơnih pơluơ-ơniại nừn la đờm mừng Satăn.

sơnŭng-sơdờ truh buol dơhă, sỡng lơkơu-khiăng tòm mọtă buol dơhă wở, kũng yơu rùp-phũn buol dơhă lơkơu-khiăng tòm mọtă buol adơi-ai rơi. ⁷ Ở buol adơi-ai, yơu nũn tởkrah tởgrở pơnuăi pởđi-pởđoa gleh-glăr, buol dơhă hũ pơluơ-pơrơngài koyoa pơnuăi păng-tui buol adơi-ai. ⁸ Biă, tũ ni buol dơhă hơđiũ la koyoa buol adơi-ai dờ dỡng kỏjăp lăm Yàng. ⁹ Ngă hơyơu buol dơhă hũ tởl pơnuăi tồ ưnjơmữn Yàng Pô Lơngì mững buol adơi-ai, mững abih tởgrở pơnuăi sỡh-sài blơh koyoa buol adơi-ai buol dơhă hũ jĩớng tở anaũ Yàng Pô Lơngì buol gudrơi. ¹⁰ Hơrơi mớlăm buol dơhă abih hơtai-hơtiàn lơkơu-yờng Pô bơi buol dơhă hũ tòm-păp mọtă buol adơi-ai wở, tồ dỡng buol adơi-ai pràn-kỏjăp rơlau lăm pơnuăi păng-tui.

¹¹ Yờng lơkơu rùp-phũn Yàng Pô Lơngì, Ama buol gudrơi, sỡng Yàng Jêsu, Yàng buol gudrơi, ba jờlàn buol dơhă truh sỡng buol adơi-ai! ¹² Yờng Yàng ngă tở pơnuăi ưỡn-rơnăm lăm buol adơi-ai sỡng gờũ kũng yơu sỡng tởgrở mớnih pỏkởn 'brỗ tũ 'brỗ prỡng-pràn rơlau, yơu pơnuăi ưỡn-rơnăm buol dơhă sỡng buol adơi-ai rơi. ¹³ Gờnừm tở nũn, Pô ngă tở hơtai-hơtiàn buol adơi-ai hũ kỏjăp-pràn, sỡcìh-sri, 'buh hũ hợgẽ tồ puai 'buah jĩớng tở anaũ Yàng Pô Lơngì, la Ama buol gudrơi, tũ Yàng Jêsu, Yàng buol gudrơi truh mớrai găm sỡng abih tởgrở mớnih sỡcìh-sri Pô!

TỜGRỞ PỜNUĂI PỜTO-KỜKỜI

4

(Mững tăl 4:1 truh tăl 5:28)

Rài Hơđiũ Siàm Hơtai Yàng

¹ Hơđơi lũ, ơ buol adơi-ai, lăm Yàng la Yàng Jêsu, buol dơhă yờng-lơkơu sỡng pỏto-kỏkời buol adơi-ai lài: Yơu buol adơi-ai hũ mớgru mững anih buol dơhă păl hơđiũ

hoyou lơi tô siàm hotai Yàng Pô Lơngì, sớng buớl adơi-ai hũ hơdiũ yơu nửn bớjơ, nửn kừ hơdiũ bẻ tui jờlàn nửn 'brỗ hơơi 'brỗ siàm rờlau wở. ² Koyoa buớl adơi-ai hũ thơu tợgrờ pơnuai poto-pơđãr lơi bloh buớl dớlhã hũ mã angãn Yàng la Yàng Jêsu poto-akhàn tợ buớl adơi-ai. ³ Koyoa hotai-khiăng Yàng Pô Lơngì la buớl adơi-ai pãl sớch-sri: nửn la pãl pleh atàh pơnuai dri-sơnoh búng-pokãl; ⁴ yàu aràng pãl thơu gàr-rơmiã rùp-phàp dơoi tợ sớch-sri sớng prớng-màng, ⁵ jơoi lẻ-toma lăm pơnuai dri-sơnoh búng-pokãl yơu buớl làng agàh, la du mớnih 'buh thơu Yàng Pô Lơngì. ⁶ Lăm bruã ni, jơoi aràng sơi ngã sũng, halai pơluơ pớng-gơla buớl adơi-ai dơoi, koyoa Yàng la Pô ngã glai abih tợgrờ pơnuai nửn, yơu buớl dớlhã hũ đờm dớlhơu sớng poto-pơhuớ buớl adơi-ai bớjơ. ⁷ Koyoa Yàng Pô Lơngì 'buh iơu buớl gudơoi truh tợ pơnuai sớu-sơnoh ơu, bloh truh tợ pơnuai sớch-sri. ⁸ Koyoa nửn, aràng sơi kơmlah-luơi pơnuai buớl dớlhã đờm, nửn 'buh iớu kơmlah-luơi anà mớnih ơu, bloh la kơmlah-luơi Yàng Pô Lơngì, la Pô hũ bơoi Yàng Bơngã Sớch-Sri Pô tợ buớl adơi-ai.

⁹ Mứng pơnuai ưỡn-rơnãm tợkrah buớl adơi-ai sớng gớu, nửn 'buh cầng aràng sơi wã tợ buớl adơi-ai, koyoa rùp-phũn buớl adơi-ai hũ Yàng Pô Lơngì poto pãl ưỡn-rơnãm gớu; ¹⁰ sớng biã buớl adơi-ai kũng dò ngã yơu nửn tợ abih buớl adơi-ai lăm abih cầ Masedoan. Bloh ơ buớl adơi-ai, buớl dớlhã poto-kơkơi buớl adơi-ai 'brỗ ràng-tơbiã bẻ hotai-hotiàn ưỡn-rơnãm nửn lô rờlau wở. ¹¹ Mớgru bẻ hơdiũ kớđờng-lơngai, bruã aràng sơi aràng nửn rớchãng, mã tợngàn rùp-phũn dơoi ngã bruã, yơu buớl dớlhã hũ poto-kơkơi buớl adơi-ai. ¹² Yơu nửn, rài hơdiũ buớl adơi-ai rớu hũ mớnih agàh ớ prớng-màng, sớng buớl adơi-ai rớu 'buh siớu pơnuai hợgẻ.

Pơnuai Hơdiũ Wở Lăm Hơơi Yàng Truh

¹³ Ở buol adoi-ai, buol dolhă khiăng buol adoi-ai thơu mŭng du mōnih păng-tui Yàng hũ mōtai bojơ, tô buol adoi-ai 'buh đonuh-donà you du mōnih pōkōn, la du mōnih 'buh hũ pōnuai gōnŭm-čàng. ¹⁴ Koyoa yah buol gudroi păng-tui Yàng Jêsu hũ mōtai sōng hũ hōidiũ wở, nŭn kŭng yơu nŭn rơi, Yàng Pô Lơngì rơũ apăn du mōnih hũ mōtai lăm Yàng Jêsu truh sōng Pô. ¹⁵ Ni la pōnuai buol dolhă gōnŭm tơ pōnuai Yàng bloh đờm sōng buol adoi-ai: Buol gudroi la du mōnih dò hōidiũ bloh dò wở tũ Yàng truh mōrai, nŭn rơũ 'buh nau dolhơu tơ du mōnih hũ mōtai bojơ. ¹⁶ Koyoa tũ pōnuai gōnuar-pōđar hũ broi tobiã, găm sōng sấp mōnih gōdrưh prōng sōng sấp kơlwỏk Yàng Pô Lơngì, nŭn rùp-phũn Yàng mŭng ngỗ lơngì rơũ trũn mōrai. Tũ nŭn, tơgrữ mōnih mōtai lăm Pô Krist rơũ hōidiũ wở dolhơu rơlau abih. ¹⁷ Bloh nŭn truh buol gudroi, la du mōnih dò hōidiũ, bloh dò wở, rơũ găm hũ rò đi sōng buol guñu lăm puk hwăl tô tòm Yàng tơ anih hōjũng-lơwah, sōng buol gudroi rơũ dò sōng Yàng mĩt-mĩt. ¹⁸ Yơu nŭn, buol adoi-ai angui bẻ du pōnuai ni bloh pơluơ-pơrơngai gơũ.

5

Mơđơh-Kraũ Čàng Hơơi Yàng Truh

¹ Ở buol adoi-ai, mŭng tũ-jơ sōng hơơi-tũ, nŭn 'buh čàng păl wả tơ buol adoi-ai; ² koyoa rùp-phũn buol adoi-ai hũ thơu loh-làng lài hơơi Yàng rơũ truh yơu mōnih klẻ tơkrah glai mōlăm. ³ Tũ aràng đờm: “Rĩng-lơngai sōng kơđờng-lơngai,” nŭn pōnuai pơluĩ-pơlơhiã rơũ ớp-dơmởp tobiã truh, yơu pōnuai rơwã-pơđi tobiã truh tơ mōnih kơmơi hũ mōtiàn kơjẻ tũ đih apui, sōng rơũ 'buh hũ aràng sơi pleh klàh jĩng.

⁴ Bloh ơ buol adoi-ai, buol adoi-ai 'buh dò lăm pōnuai kơnăm-mơsrữ, tởi truh hơơi nŭn rơũ ớp-dơmởp truh

sống buol adoi-ai you monih klë. ⁵ Koyoa abih buol adoi-ai la anà pɔnuai sordah sống anà glai hɔroi. Buol gudroi 'buh gãm sống glai molãm, kũng 'buh iɔũ gãm sống pɔnuai kɔnãm-mɔsrũ. ⁶ You nũn, buol gudroi juoi ðih wɔr you du monih pɔkɔn, bloh pãl mɔdɔh-kraũ sống hɔdiũ tũng-kɔrhia. ⁷ Koyoa monih ðih nũn ðih glai molãm, monih mɔbũ nũn mɔbũ glai molãm. ⁸ Bloh buol gudroi la du monih gãm sống glai hɔroi, nũn pãl hɔdiũ thɔu tũng-kɔrhia, cũ ào-pɔsɔi la pɔnuai pãng-tui sống pɔnuai uɔn-rɔnãm, klũm kɔlmu-pɔsɔi la pɔnuai gɔnũm-çàng hũ ðɔng-pɔklàh. ⁹ Koyoa Yàng Pô Lɔngì 'buh ngãnìn tɔ buol gudroi pãl kɔng pɔnuai anok-anoa prɔng, bloh tô hũ ðè-lɛng pɔnuai anit ðɔng-pɔklàh, gɔnũm tɔ Yàng Jêsu Krist, Yàng buol gudroi, ¹⁰ la Pô hũ mɔtai koyoa buol gudroi, tô buol gudroi yah ðò hɔdiũ halai mɔtai, kũng hũ hɔdiũ gãm sống Pô. ¹¹ You nũn, buol adoi-ai pɔto-pɔsɔh ðũ gɔũ bẽ sống bɔ-pɔðɔng tɔ gɔũ, you buol adoi-ai sɔðũ jiãng ngã.

Du Pɔnuai Poto-Kokoi Pɔkɔn

¹² Ở buol adoi-ai, buol dɔlhã yòng buol adoi-ai ɔr prɔng-màng bẽ tɔ du monih ðò ngã bruã gleh-glãr tɔkrah buol adoi-ai, la du monih koyoa mũng Yàng bloh ðui-ba sống poto-kokoi buol adoi-ai. ¹³ Mã bẽ hotai-hotiàn uɔn-rɔnãm bloh ɔr prɔng-màng tɔ buol guũ koyoa mũng bruã buol guũ ngã. Hɔdiũ bẽ hɔlãr-tãmsòr sống gɔũ.

¹⁴ Ở buol adoi-ai, yòng buol adoi-ai pɔto-pɔðãr bẽ du monih alah 'buh khiãng ngã bruã, pɔluɔ-pɔrɔngài du monih pɔblɔ hotai-hotiàn, ðɔng kɔl du monih 'buh khãng-pràn, sống pãl kɔng ă-ũn sống abih tɔgrɔ monih. ¹⁵ Ớr-kɔrhia bẽ, juoi mã pɔnuai mɔsak-jɔhà bɔ-yàr pɔnuai mɔsak-jɔhà tɔ aràng sɔi, bloh pãl mĩt-mĩt abih hotai-

hotiàn ngă pơnaĩ siàm tơ ơũ kũng you tơ abih tơgrở mơnih.

¹⁶ Sờh-sài bẻ mĩt-mĩt, ¹⁷ iou-lài 'buh pơdơh, ¹⁸ lăm abih tơgrở bruă hơgẽ kũng pãl ưnjơmừn Yàng, koyoa nửn la hotai-khiăng Yàng Pô Lơngì lăm Yàng Jêsu Krist tơ buol adơi-ai.

¹⁹ Juơi ớkhã-pơkơũ bruă Bơngã Sớch-sri, mớhiở you ngă pơmotai apui; ²⁰ Juơi ớ 'buh sớp tơ du pơnaĩ đờm hwởr. ²¹ Lờng-ớ bẻ tơgrở bruă. Pơnaĩ hơgẽ siàm nửn păng-rơmiã bẻ. ²² Abih tơgrở bruă hơgẽ mớhiở you pơnaĩ mớsak-jờhà, nửn pãl pleh atàh.

²³ Yòng lờkơu rùp-phũn Yàng Pô Lơngì la Pơtau bớri pơnaĩ rĩng-lơngai, ngă pơsớch-sri buol adơi-ai wĩl-tởl. Yòng lờkơu hotai-bơngã, bơngã-joa, sớng rùp-phàp buol adơi-ai hũ gờ-rơmiã wĩl-tởl, 'buh hũ anih tồ puaĩ 'buah jiởng tử Yàng buol gudrời, la Yàng Jêsu Krist truh mớrai!
²⁴ Pô hũ iou-rơwah buol adơi-ai la Pô ngă tui iou you pơnaĩ hũ đờm pơguãn, rùp-phũn Pô rờũ ngă bruă nửn.

²⁵ Ố buol adơi-ai, yòng buol adơi-ai kũng iou-lài tơ buol đờhã rời. ²⁶ Mã bẻ pơnaĩ ớuã-rơwãng sớch-sri bloh ớuã-rơwãng abih buol adơi-ai.* ²⁷ Mã angãn Yàng, đờhã yòng-lờkơu buol adơi-ai pơpoh-ớ bẻ bớ-àr wã pơyoa ni tơ abih buol adơi-ai păng.

²⁸ Yòng lờkơu pơnaĩ anĩt-bớri-soh mững Yàng buol gudrời la Yàng Jêsu Krist, dò sớng buol adơi-ai!

* 5:26 5:26 Ia Grek la: “pơnaĩ ớũm-rơnãm sớch-sri,” nửn la pơnaĩ ớuã-rơwãng lờđãp-bơhiàn tồkrah du mớnih păng-tui Yàng lăm rài nửn.

Chru

Chru: Chru (New Testament)

Copyright © 2020 Wycliffe Bible Translators, Inc.

Language: Chru

Contributor: Wycliffe Bible Translators, Inc.

All rights reserved.

2020-11-16

PDF generated using Haiola and XeLaTeX on 9 Feb 2021 from source files dated 6 Feb 2021

29890c73-845e-5b2d-84d7-4d631546315a